

გასვლითი ლექცია ანჩისხატში



გასვლითი საგანმანათლებლო-შემეცნებითი ხასიათის ღონისძიებები თბილისის სასულიერო აკადემიასა და სემინარიის სასწავლო პროცესის განუყოფელი ნაწილია. ქრისტიანული ხელოვნების კათედრის ხელმძღვანელის, ქ-ნ რუსუდან ვაშალომძის ინიციატივით, თეოლოგიის საბაკალავრო პროგრამის მე-3 კურსის სტუდენტებს სასწავლო პროგრამით გათვალისწინებული ლექცია ქართული ხელოვნების ისტორიაში ანჩისხატის ტაძარში ჩაუტარდათ.

ქ-ნმა რუსუდანმა ისაუბრა ტაძრის ისტორიაზე, არქიტექტურასა და მოხატულობაზე, სარესტავრაციო სამუშაოების მნიშვნელობაზე. აღნიშნა, რომ ტაძრის პირვანდელი სახის აღდგენა-შენარჩუნებისთვის რესტავრატორები უნდა ითვალისწინებდნენ ძველი ჩანახატების, ფოტოებისა და ანაზომების მონაცემებსაც.

ლექცია სტუდენტებისთვის მეტად საინტერესო და შთაბეჭდავი აღმოჩნდა. მათ მოისმინეს და ვიზუალურად აღიქვეს ტაძრის შესახებ არსებული მნიშვნელოვანი ინფორმაციები.